

Bibilia ya watoto
Inawalettea

Kwaheri
Farao!



Kimeandikwa na: Edward Hughes

Kimeorodheshwa na: Janie Forest; Alastair
Paterson

Imerekebishwa na: Lyn Doerksen

Kimetafsiriwa na: Bethel Children's Home,
Kisumu, Kenya and Emmanuel Menya

Kimedhibitishwa na: Bible for Children
www.M1914.org

©2021 Bible for Children, Inc.

License: Kuna ruhusa ya kuchapa hadithi hii,
lakini bila ya kuuza.





Farao alikasirika!
Mungu alimuamuru
kupitia Musa
awaruhusu watumwa
Waisraeli waondoke
Misri. Akakataa.





Farao akawaagiza
wasimamizi wake wa
watumwa, "Wapeni
kazi nzito zaidi."
Sasa hali ikawa
mbaya zaidi kwa
Waisraeli.



Maagizo mapya ya Farao yakawa,
"Kusanyeni wenyewe majani.
Hatutawapatia tena. Lakini
muendeleee



kufyatua idadi
ileile ya matofali."



Wasimamizi
wakawapiga baadhi
ya watumwa kwasababu
hawakuwa na muda

wa kukusanya

majani na
bado wafyatue
matofali ya kutosha.





Watu
wakawalaumu
Musa na
Haruni kwa
kuwaletea
matatizo.

Musa akapata
mahali pa
kuomba.





Akalia akisema,
"Ee BWANA,
hujawaokoa
watu wako
hata kidogo."
Mungu akajibu,

"Mimi ni
BWANA, na
nitawatoa
Misri."



Kisha Mungu
akamtuma
Musa na
Haruni tena
kwa Farao.



Mtawala mkuu
alipowauliza
watumishi wa
Mungu kuhusu
ishara kutoka
kwa Mungu,

fimbo ya
Haruni
ikageuka
nyoka
anayetambaa.





Farao akasema kwa ukali, "Waiteni wachawi wangu." Wachawi wa Kimisri walipotupa fimbo zao, kila fimbo ikawa nyoka pia.





Lakini fimbo
ya Haruni
ikazimeza.
Bado Farao
akakataa
kuwaruhusu
waondoke.



Asubuhi iliyofuata, Musa na Haruni wakakutana na Farao mtoni. Haruni aliponyosha fimbo yake, ...



...Mungu akageuza maji kuwa damu.
Samaki wakafa! Watu hawakuweza
kuyanywa!



Lakini Farao akaufanya moyo wake
kuwa mgumu. Hakuwaruhusu
Waisraeli kuondoka Misri.





Kwa mara nyingine, Musa
akamwambia Farao
awaruhusu
watu wa
Mungu
waondoke.
Farao
akakataa
tena. Mungu
akatuma pigo
jingine.



Misri yote ikajaa vyura. Kila nyumba,
kila chumba, hata majiko



ya kupikia
yalifurika
vyura! Farao
akawasihi,
"Niombeeni,
ili Mungu
awaondoe
vyura ndipo
nitaruhusu ...



... watu wenu waondoke." Lakini
vyura walipoondolewa,


Farao
akabadili
nia yake.
Hakuwaachia
huru
watumwa.



Kisha Mungu akatuma mabilioni ya chawa.



Kila mtu na mnyama aliwashwa kwa kuumwa na chawa hao, lakini bado Farao hakukubaliana na mpango wa Mungu.






Baada
ya
hapo,

Mungu akatuma
makundi ya inzi.
Mungu akatuma
magonjwa kuua
mifugo ya
Wamisri.






Mungu

Akatuma majipu
yanayouma sana.
Watu wakateseka
sana. Bado Farao
akampinga
Mungu.





Baada ya pigo la majipu,
Mungu akatuma
makundi ya
nzige. Nzige
wakala kila
jani la mmea
katika nchi.







Kisha Mungu
akatuma siku
tatu za giza
nene. Lakini
Farao mwenye
moyo mgumu
hakuwaachia
huru Waisraeli.



Mungu akaonya,
"Nitatuma
pigo jingine
moja. Usiku
wa manane,
wazaliwa wote
wa kwanza wa
wanadamu na
wanyama
watakufa."



Mungu akawaambia
Waisraeli
kwamba
wazaliwa wao
wa kwanza
wataokolewa
kama
watapaka
damu ya
mwanakondoo kwenye
miimo ya milango yao.





Usiku wa
manane, kilio kikuu
kikatokea Misri.

Mauti iliwapiga.
Katika kila nyumba
alikufa mtu mmoja
au zaidi.





Farao akamuomba
Musa akisema,
"Ondokeni muende
kumtumikia
BWANA."





Mara watu wa
Mungu wakatoka
katika mipaka
ya Misri.






Mungu akamwambia Musa
kuhusu kukumbuka
usiku wa

Pasaka kwasababu malaika wa
Mungu alipita juu ya nyumba za
Waisraeli na

kumpiga Farao na watu wake.





Baada kukaa
miaka 430
Misri, watu

wa Mungu

walikuwa sasa wako
huru. Mungu
akawaongoza kwa nguzo ya wingu
mchana na nguzo ya moto usiku.





Lakini Farao
alikuwa
hajaridhika
kuwaachia
Waisareli.
Akamsahau
tena Mungu.





Akabadili nia

yake tena.
Akakusanya
jeshi lake na
kuwafukuzia
watumwa. Mara
akawanasa kati ya
mwamba na bahari.



Musa akawaambia,
"Mungu atawapigania." Musa
akauendea ukingo wa maji na
kunyosha mkono wake.



Mujiza
mkubwa

ukatokea. Mungu
akafungua njia
kwenye maji.
Watu wakavuka
salama.



Kisha jeshi la Farao likakimbilia
ndani ya bahari ya shamu.
Maaskari wakafikiri,
"Sasa tutawakamata."



Lakini Mungu akayafunga maji. Jeshi
hodari la Misri likamezwa. Ndipo Farao
akajua kwamba Mungu wa Israeli
ni BWANA juu ya yote.



Kwaheri Farao!

Hadithi kutoka kwa Neno la Mungu,
Bibilia,

inapatikana katika

Kutoka 4-15

"Kufafanusha maneno yako kwatia nuru."
Zaburi 119:130



Mwisho



Hii hadithi ya bibilia inatueleza kumhusu Mungu wetu wa ajabu aliyetuumba na anayetaka tumjue.

Mungu anajua tumetenda mambo mabaya, anayoyaita dhambi. Adhabu ya dhambi ni mauti, lakini Mungu anakupenda sana hata akamtuma mwana wake wa pekee, Yesu, Ili afe msalabani na aadhibiwe kwa dhambi yako. Alafu Yesu akafufuka na kuenda nyumbani mbinguni! Ukimwamini Yesu na kumwomba msamaha kwa dhambi yako, Atakusamehe! Yesu atkuja na kuishi ndani yako, na utaishi naye milele.



Kama unaamini huu ni ukweli, Sema haya
kwa Mungu:

Mpendwa Yesu, ninaamini kuwa wewe ni
Mungu, na ulifanyika mtu ili ufe kwa ajili ya
dhambi zangu, ili niwe na maisha mapya, na
siku moja nitaenda kuwa nawe millele.
Nisaidie nikutii na niishi kwa ajili yako kama
mtoto wako. Amina.

Soma bibilia na uzungumze na Mungu kila
siku! Yohana 3:16

